

Vertigo Rockeko antolatzaileak:

“Inguruko herrien artean ezaguna da jada Vertigo Rock”

Maiatzaren 19an Vertigo Rock jaialdiaren 6. edizioa burutuko da Ermuan. Bi hilabete eskas geratzen dira eta antolatzaileek herrian joko duten taldeekin hitzordua egina daukate dagoeneko, izan ere azaroan hasi ziren honetan lanean.

- Zeintzuk taldek hartuko dute parte gertu dugun edizio honetan?

Sin, Kaotiko, Zain, Komando Antilimako, Damudot, Actitud eta Shinova taldeek eta oraindik zehaztu gabe daukagun beste talde batek.

- Zein da aurtengo egitaraua?

Eguerditik aurrera plazako txosna zabalik egongo da, eta arratsaldeko 16.45ean kaleko kontzertuak hasiko dira. Horiek bukatutakoan, 21.00ak aldera, plazako oholtzan hasiko da musika.

- Musikaz gain, beste ekimenik antolatzeko asmorik duzue?

Beti bezala gure txosna plazan egongo da, eta ziur

aski graffiti eta argazki erakusketak ere izango dira.

- Berrikuntzarik ba al dago iazko Vertigo Rock-ekin alderatuta?

Egia esanda... ez da ezer berririk egongo, baina agian kamiseta berriak salduko ditugu, dena ondo badoa.

- Kontzertuak larunbatean burutzen diren arren, iaz Vertigo Rock-en aurkezpena ostiralean egin zen, hau da, bezperan. Orduan bereziki sortutako taldeak, ‘Beti txarto’ taldeak hain zuten ere, kontzertutxoa eskaini zuen Zappa tabernan. Aurten ere antzerako zer-bait egiteko asmoa duzue?

Bai horri eustea da gure asmoa, baina oraindik ez du-



gu pentsatu kontzertua non egingo den. Hala ere, egitekotan, Betiondoko Beti-txartoko lokaletan entseatzen duten musikari gehienek bizpahiru abesti joko dituzte aurten ere.

- Kartela osatzen duten taldeek ere Ermuan aurretik izandakoak dira?

Aurten jotzen duten kanpoko taldeek ez zuten iaz jo, baina egia da beste edizio batzuetan parte hartu duten bi talde ermuar ba-

daudela tartean. Izan ere, hainbat ediziotan talde batzuk errepikatu egin dute, Ermuko beste talde askok ez dutelako kontzerturik ematen.

- Zein da musika taldeak aukeratzeko erabiltzen duzuen irizpidea?

Lehenik eta behin daukagun diru kopuruari erreparatzen diogu. Hortik aurrera, Ermuko taldeekin hitz egingen dugu, jaialdian parte hartzeko prest dauden gal-



ARTARRAI

OPARI DENDA



Goienkale, 5 • Telf. 943 17 44 19
ERMUA



D. ARRAL 97 S.L.

Tfno. 943 176 075 - Fax: 943 170 892
arral@arral97.com
www.arral97.com

Ardo banatzailea:

Luis Cañas
Cantosán Verdejo
Viña 65 Verdejo
Amaren
Añada Real
Cava Oriol Rosell
Nitida
Montepinos



detzeko. Horren ostean, rock-metal musika egiten duten eta gure gustukoak diren taldeekin harremanetan jartzen gara.

- Prozesu luzea ematen du. Noiz hasi zarete aurtengo edizioa prestatzen?

lazko azaroan.

- Zeintzuk lan egin behar dira horrelako ekitaldia antolatzeko?

Egia esanda gauza asko lotu behar dira: taldeentzako catering-a, txosnak, tabernen diru-laguntzak kudeatu, graffitiak, musika taldeko kideekin harremanetan jarri...

- Zenbat lagunek hartzen duzue parte antolaketa eta nola banatzen dituzue zereginak?

Aurten 15 lagunek talde-txo batek ekin dio antolaketari, eta horiek lan-talde ezberdinetan banatuta daude.

- Sei urtez antolatu duzue ekitaldia dagoeneko. Hasieratik gaur egunera arte, aldaketak izan dituzue?

Idea bat egiteko: duela sei urte hasi ginen eta ordutik 7



"Maiatzaren 19an egun polita igaroko dugu rock musikarekin... eta gainera dohainik!"

pertsonek bakarrik jarraitzen dugu. Urte hauetan lagun asko etorri eta joan dira, baina zorionez aurten 5 kide berri etorri dira eta horrek asko la-

gundu digu. Argi utzi nahi dugu antolaketa parte hartu nahi dutenek ateak irekita dituztela. Beraz, animatu, ongietorriak izango zarete!

- Zeintzuk dira zuen diru iturriak?

Udaletik eta herriko taberna gehienetatik jasotzen dugu diru-laguntza. Diru hori barik, oso zaila izango litzateke honekin jarraitu ahal izatea.

- Uste duzue Euskal Herrian ospea hartu duela Vertigo Rock-ek?

Uffff, Euskal Herrian ez, oso zaila delako: Hatortxu Rock, BBK Live, Azkena Rock eta horrelako musika jaialdiek bakarrik lortzen dutelako ospea. Baina guk uste dugu Durangaldeko eta Debarreneko herrietan nahiko ezagunak egin garela.

- Besterik?

Maiatzaren 19an Ermuko plazara gonbidatu nahi dugu jende guztia. Egun polita igaroko dugu rock musikarekin. Eta gainera dohainik!!!

Dorleta Vidal



Laguntzaileak: Secretos, Infreñu, Goien, Dakota, Outomuro, Txantxiku, Hanigans, London, Ertz, Scorpio, Txalaparta, Zutik, Titanic, DQ, Xagua, Torrekua, Sirimiri, Carpe diem, Beer Station, Gredos, Zutabe, Zabal eta Moloko.



MUSIKA
ESKOLA

- Akordeoia
- Biolina
- Biolontxelo
- Bonbardino
- Flauta
- Kantua
- Gitarra
- Gitarra elektrikoa
- Gitarra baxua
- Lengoaia musikala
- Klarineta
- Panderoa
- Perkusioa
- Pianoa
- Saxofoia
- Trikitrixa
- Tronboia
- Tronpeta
- Txistua

Tel. 943 17 12 98 / 943 17 18 00 • albokamusikaeskola@hotmail.com

